



Broj: 04-GV-02-205/20

Datum: 12.02.2020. godine

ZAPISNIK
O RADU 37. SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 12.02.2020. GODINE

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Nedim Dizdarević, član
5. Jasmin Smječanin, član
6. Pavle Krstić, član

Odsutna: Lana Velić, članica (najavljen izostanak)

Sjednici prisustvovala iz Gradske službe za Gradsko vijeće:

- Zinaida Beširević, šef Odsjeka za stručne poslove

Ispred Gradske službe za urbano planiranje, investicije, stambene i komunalne poslove sjednici prisustvovao Tarik Zečić.

Predsjedavajući je otvorio 37. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu 36. sjednice Komisije za spomenike održane 15.01.2020. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Razmatranje Inicijative za podizanje Spomen-obilježja od značaja za Bosnu i Hercegovinu
2. Razmatranje Inicijative za postavljanje Spomen-ploče Umihani Čuvidini
3. Tekuća pitanja

TAČKA 1.

Razmatranje Inicijative za podizanje Spomen-obilježja od značaja za Bosnu i Hercegovinu

Uvodne napomene je dao predsjedavajući Komisije.

Uvodno izlaganje je podnio Tarik Zečić iz Gradske službe za urbano planiranje, investicije, stambene i komunalne poslove.

Komisija za spomenike je razmotrila Inicijativu Općine Centar za podizanje Spomen-obilježja od značaja za Bosnu i Hercegovinu, te poslije rasprave, a na prijedlog Predsjedavajućeg usvojila sljedeće **zaključke**:

1. Komisija za spomenike konstatuje da nema dovoljno ulaznih podataka na osnovu kojih bi utvrdila da li je Spomen-obilježje od značaja za Grad Sarajevo, i u vezi sa tim zadužuje



Gradsku službu za urbano planiranje, investicije, stambene i komunalne poslove da uputi dopis Zavodu za zaštitu kulturno-historijskog i prirodnog naslijeđa Kantona Sarajevo u kojem bi zatražila podatke o broju, vrsti i lokacijama spomen-obilježja koja već egzistiraju, a odnose se na konkretnu inicijativu, odnosno spomen-obilježja koja se odnose na zasjedanje ZAVNOBiH-a (pojedinačne biste, zajednička spomen-obilježja i sl.).

2. Komisija za spomenike traži mišljenje od Zavoda da li ima potrebe za izgradnju novog spomen-obilježja koji baštini ovu tradiciju.

TAČKA 2.

Razmatranje Inicijative za postavljanje Spomen-ploče Umihani Čuvidini

Uvodne napomene je dao predsjedavajući Komisije.

Uvodno izlaganje je podnio Tarik Zečić iz Gradske službe za urbano planiranje, investicije, stambene i komunalne poslove.

Poslije uvodnih napomena i rasprave, na prijedlog Predsjedavajućeg, jednoglasno su usvojeni sljedeći **zaključci**:

1. Komisija za spomenike je razmotrila Inicijativu za postavljanje Spomen-ploče Umihani Čuvidini i konstatuje da ne postoje precizni historijski podaci o datumu rođenja, tačnom mjestu odnosno kući u kojoj je rođena i živjela Umihana Čuvidina, pa i precizan datum smrti, te iz tih razloga ne može odlučiti da li bi Spomen-obilježje bilo od značaja za Grad Sarajevo, na način kako je to predloženo u inicijativi.
2. Komisija konstatuje da je lik i dijelo pjesnikinje Umihane Čuvidine obilježeno i sačuvano na prigodan način kroz davanja imena školi u Novom Gradu i ulici na području općine Ilidža.

TAČKA 3.

Tekuća pitanja

Pod ovom tačkom dnevnog reda nije bilo zaključaka.

ZAPISNIČAR

Zinaida Beširević

PREDSJEDAVALJUĆI KOMISIJE

Enes Husejnović, s.r.

